

Na osnovu člana 15. Zakona o Upravi za indirektno oporezivanje („Službeni glasnik BiH“ broj: 89/05), direktor Uprave za indirektno oporezivanje, d o n o s i

INSTRUKCIJU

o izmjenama i dopunama Instrukcije o nadležnosti organizacijskih jedinica Sektora za poreze za provedbu Zakona o akcizama u Bosni i Hercegovini i Pravilnika o primjeni Zakona o akcizama u Bosni i Hercegovini

Član 1.

U Instrukciji o nadležnosti organizacijskih jedinica Sektora za poreze za provedbu Zakona o akcizama u Bosni i Hercegovini i Pravilnika o primjeni Zakona o akcizama u Bosni i Hercegovini (Službeni glasnik BiH broj: 98/09) u članu 2. stav (1), članu 3. stav (1) i (2), članu 5 stav (1) i (2), članu 6. stav (1) i (6), članu 9. stav (1), članu 10. stav (1) i (2), članu 13. stav (1) i članu 14. stav (1) riječi „Grupa za pružanje usluga poreznim obveznicima“ zamjenjuju se riječima „Grupa za podršku“, a u članu 2. stav (1) i (2) riječi „Odsjek za pružanje usluga poreznim obveznicima“ zamjenjuju se riječima „Odsjek za podršku“.

Član 2.

U članu 6. stav (3) mijenja se i glasi:

„(3) Povrat plaćene akcize na ulje za loženje, vrši se na osnovu pojedinačnog zahtjeva iz člana 49. Pravilnika (obrazac ZPLO), koji se podnosi Regionalnom centru nadležnom prema sjedištu ili prebivalištu podnosioca zahtjeva, Odsjeku za poreze-Grupi za podršku, koja shodno važećim propisima, provodi postupak i u roku od 15 dana od dana podnošenja zahtjeva, donosi odluku po zahtjevu, shodno članu 49. stav (4) Pravilnika“.

Iza stava (6) dodaje se novi stav (7) koji glasi:

„(7) Jedan primjerak rješenja iz stava (3) ovog člana, dostavlja se Grupi za reviziju i kontrolu odnosno Grupi za kontrolu velikih poreznih obveznika, ovisno o kojem obvezniku se radi.“

Član 3.

U članu 7. stav (1) mijenja se i glasi:

„(1) Zahtjev za povrat plaćene akcize na alkohol i etil alkohol u smislu člana 50. stav (3) Pravilnika, podnosi se Regionalnom centru nadležnom prema sjedištu podnosioca zahtjeva, Odsjeku za poreze-Grupi za podršku, koja shodno važećim propisima, provodi postupak i u roku od 15 dana od dana podnošenja zahtjeva, donosi odluku po zahtjevu“.

Stav (2) se briše, a dosadašnji stav (3) postaje stav (2).

Član 4.

Iza člana 8. dodaje se novi član 8a). koji glasi:

„Član 8a.

(Povrat akcize po osnovu neiskorištenih ili oštećenih akciznih markica)

(1) Zahtjev za priznavanje plaćene akcize, kao akontacije za buduće obaveze, odnosno za povrat akcize, po osnovu vraćenih neiskorištenih ili oštećenih akciznih markica u smislu člana 22. Pravilnika o akciznim markicama za duhanske prerađevine, alkoholna pića, voćnu prirodnu rakiju, kahvu i vino (“Službeni glasnik BiH”, broj: 50/09), podnosi se Regionalnom centru nadležnom prema sjedištu podnosioca zahtjeva, Odsjeku za poreze-Grupi za reviziju i kontrolu ili Grupi za kontrolu velikih poreznih obveznika, ovisno o kojem se obvezniku radi, koja grupa u skladu s važećim propisima, provodi postupak i ukoliko su ispunjeni uslovi, donosi rješenje o odobravanju navedenog prava.

(2) Jedan primjerak izvršnog rješenja kojim se odobrava pravo na povrat plaćene akcize, dostavlja se Sektoru za poslovne usluge, Odsjeku za finansijsko upravljanje na dalje postupanje.

(3) Jedan primjerak izvršnog rješenja kojim se odobrava pravo na priznavanje plaćene akcize, kao akontacije za buduće obaveze dostavlja se Odsjeku za poslovne usluge nadležnog regionalnog centra na dalje postupanje.

Član5.

Član 14. se briše.

Dosadašnji član 15. postaje član 14.

Član6.

Ova Instrukcija stupa na snagu sljedećeg dana od dana objave u „Službenom glasniku BiH“.

Broj:

022-566-17/14

Datum:

15.10.2014



Direktor

Dr. Miro Džakula